



6º dia: Política Pública - Saúde.
Hwei thëä wëapiiwi Davi e Dário kipëni thëä wëapuma. Kami yamaki urihipëhamë saúde akuapënaha thëä thamahe witinaha yama thë yai thapë tha? Kami yanomae yamakini FUNASA thë uxiha thë kua pënaha thë kure thëä wawë mai parioma. FUNASA amapruwi thëä thamahe, Kaiowá akuaiwi thë ã pree wawë mamahe, kama pëni. Remédio yamapë naka taanimi, yutuha yamaki nakamu hikioma yaro, kami yanomae yamakini yama thë yai thapu pihio pënaha yamathë peximai.

Secretaria Especial de Saúde Indígena Yanomami e Ye'kuana
Wanë kami yanomae wamareki yai pairiprarii, Kami yamaki urihipë hamë hospitais yamapë yai thapuu pihio, Boa Vista hamë yamaki xiro raakae huu yaro thë totihimi, yamaki haru mao tëhë yamaki xiro huu, waisipë yamaki porepéo tëhë yamaki huimi, kuë hoyamë materiais permanentes wama pë yai thakii, kaho *Secretaria Especial de Saúde Indígena* thëha wa pata muu yaro.

Ihi tëhë Antônio Alves waa hwama, awei kami yanë yathë thaprii, hoyamë yanomae urihihamë kami yanë Internet ya thaai pihio, kaho wamakihã napëpë kiaiwi peã huayopë kamapë iherupëhamë, rádio hamë yanomae wamakihã hwai tëhë wamakihã hwai yapë kai mao-pehe. Kami yaka kiinë inaha yathë ria thai, kuë yaro hwei yathë thaprarema, kaho wamakihã. Inaha kuë yama thë peximai yama thë oniprarema, yama thëria ximaiwi, pata ehamë kama Antônio Alves ehame.



Textos: Enio Mayanawa Yanomami
Fotos: Dário Vitório Yanomami
Diagramação: Hanna Limulja - ISA



Jornal da Hutukara Associação Yanomami - Número 6 – Dezembro de 2010

IV Assembleia da Hutukara Associação Yanomami - HAY
Região do Toototopi hamë IV Assembleia Hutukara Associação Yanomami yama a thaprarema. Dia 1º a 7 de novembro de 2010 thë kuo tëhë. Ihi yama a thai tëhë 1.025 yanomae yamaki kôkamoma.

1º dia Assembleia Geral da HAY a karoprarioma: thë pë praimayoma.

2º dia: Mudanças Climáticas

Hwei thëä karoprariwi pëäha Davi, Dário e Enio ihi hwei pene thëä wëa mahe mudanças climáticas thëha thë kuapëha. Pëäha maprarini pata thëpëha Marcos Wesley ani thë warirema, pata thëpë xapiriha, winaha yanomae wamaki pih kuu tha? Wama kika xapiri. Inaha thë warirema thë warii tëhë pata thëpë xapiriowi thëpëa hurayoma, hapënaha kure peã hurayoma. Toto Yanomami Apiahiki, Luixi Yanomami Piau, Roque Yanomami Piau, Fialho Yanomami Kaxitao, Paulino Yanomami Rasa si. Inaha kure pëäha hurayoma, peã nuo tëhë hapënaha pë kuma. Awei kami yanomae yamaki xapirini yama thë tai hikio, yama thë taai yaro.

Kaho napë wamakini wama urihi wariai, kuë yaro thë urihi yayoai, thë yopiai, maa akei xaarimi, wamotima thëpë rökii, mau upë hweheai, witipi thëha thë yayoai tha? Kaho napë wamakini hutukara wama pariki wakixipëamai xiwaripru yaro, petróleo wama upë iximai xi wari yaro hutukara a pariki xami rayoma.

Kami yanomae yamaki xapirini yamathë aumai nokamu mao kunaha yamaki komi xëowi thë kua, yama thë totihai yaro a keimi, kami yanomae yamakika xapiri yamaki yaiha mao kunaha yutu hutumosi këario, komi yamaki mii hikio, yanomae ai yamakixë, kaho napë wamakixë..

Kuë yaro wama thë urihi iximai tirakii, kaho wamakini urihi wa-



3º dia: Educação (SECD-RR)

Apresentação (SECD-RR) theripéä hwama kami yanomae yamaki escola pë hamë thë kuapënaha.

Kami yanomae yanakini yama pë warima, *Curso de Formação de Professores Yanomami* yama thë warima CEFORR theria pataha, R\$ 619.000,00 a kuama kure *curso a thaimi yaro-he yama thë warima*, hapënaha yama thë warima hwei R\$ 619.000, 00 aka kii a titia xoaa tha? Wama a waa hikirema tha? Inaha yama thë wama warima, ihi têhë Edite wää hurayoma: "Awei hwei dinheiro yama a wanimi, yama thë totihaxoa, hwei ano aka huimi têhë *Curso de Formação* yama a thai pihio, wamakixi harimonmai, kami yanakihá thëxi titih mahixoa" inaha a kuma. Ai waa kae pree hwama, Alda wäaha kuowi: "Inaha thë kuë yaro kami yanakini *Subsecretaria yamaa thë thapräi pihio*, ihi yama thë thaprarii têhë ai yanomae wamaki pairikii, kami yanaki kiapëha, wamareki pairipopë, kuë yaro wama thë yairii, *Divisão thë uxiha yama thëria thapräi, yanakiä huayu hikia, Governo do Estado de Roraima* anë thë thai pihio, *indígenas pë kiaawi*" inaha Alda akuma.

Lidia Montanha anë thëä pree wëama kami yanomae yanakihá, kami yanomae ai wamareki yai mayu pihi: "Awei hwei thëka kii têhë wamaki yai prayorayu, wamaki pairiopë, *Subsecretaria thëha wamaki yai kohipë pairiopë*". Inaha Lidia Montanha anë wamareki noa tharema.



4º dia: Proteção da Terra Indígena Yanomami Contra os Invasores: Garimpeiros, Fazendeiros e Pescadores.

Kami yanomae yanaki urihipëhamë *garimpeiros, pescadores, madeireiros, fazendeiros* yamapënë wari puwi thëäha yanaki hoa thayu kooma, ai yanaki urihipëmë thëpë kidi hikiowi yama thëpë äha wëama, FUNAI pëha, Ajarani hamë fazendeiro pë prahamai maowini thëäha yanakiä pree hwama, Davi ani thë wawë marena, FUNAI theripëha, witi thëha hwei wamapë prahamai hai taoimí tha?

Inaha pë noa tharema Papiu, Kayanau hwei poro kae região kipëha thë yai wai theri mahi kua, yutuha yanakiä hwama, yama përiha Koamane.

Arokona anë pëha pree wëama, hapënaha a kuma: "Awei kami yanaki urihipë hamë proropë ahete mahi kua, yutuha thë pë kuo tima, thë mahia hwei thëka kii têhë". Inaha FUNAI pë noa tharema, Arokona anë.

Frente de Proteção Etnoambiental da Terra Indígena Yanomami e Ye'kuana

Hwei thëä wëaiwihi hapënaha pë kutaoma. Dário, Enio, Mauricio, FUNAI theripë ONGs, ISA ai pëxë, hwei thëä wëamahe, thë kuapënaha, kami ai yanomae yanaki, kuo huwi yanakinë yama thëä taimi yaro. Kuë yaro thëä thamahe, awei hwei Frente de Proteção thëka kii kami yanomae yanaki temi piriowi thë kami yanomae yanaki urihipëhamë thërianë rëpuuwi thë. Kuë yaro 6 CTls yamapë thaprarema, yanomae yanaki urihi pëhamë hwei përia kuo. Urihi wariatima pë hayuai taaiwi, ai yanopë hamë përia hupë, inaha thëria thaihe. Kuë yaro Meirelles Coordenador Geral akuprarioma, mareasiki thapuu wi. Ihi têhë pata peä hurayoma, awei kuë yaro kami yanomae yanakihamë *Curso de Formação GPS* wamaa thai, kami yanaki pihi moyamirini yanaki kiai huawi yama thë peximai, kaho napë wamaki tete mahi kiaimi yaro, kami yanaki xiro tete kua hëkii, inaha kuë yaro kami yanakini *curso yamaa peximai*, komi yanaki kiai pihio yaro, kaho napë wamaki pree xe. Wama thë yai thaprarii, wamaki mii kuu puonomai. Awei hwei pata thëpëä hawai thëä.



5º dia: Apresentação da Prestação de Contas

Hwei thëä wëaiwihi hapënaha thëpë kutaoma Dário, Mozarildo, Alfredo, Marinaldo e Rogel, inaha kure pënë thëä wëamahe.

Hutukara anë mareasiki thaai kua pënaha, he-reia pë thapë hamë mareasiki haikiai kuapënaha thëä wawë mamahe, kami *diretores* yanaki marea yama siki thomumaiwi thë kuaimi, xaari yama thë thai, wamareki thomu himai yaro witi hamë marea yamasiki thomuriwi siki proke yakëa kura?

Wamathë taprai mao têhë wamakiä mii hwai puonomai, ai napëpënë wamaki noa thai hetëhë wamaki miranomai. Inaha pë kuma kuë yaro pata thëpë pihi xaariprarioma.



Plano de Ação da HAY para 2011, 2012 e 2013

Hwei yama thëänë wayoayu kooma. 3 raxa kikiha yanakiriä kiai kuapënaha, winaha yama thë thai kuapë tha? Yamaki noa thayoma, yamathë thapräi mao têhë thë kuproimi yaro. Kuë yaro Hutukara anë thë hapa thai pihio wi thë noaha yanaki noa thayoma. Luta akakii hamë yama thë taai, *projetos* pë hapa thaiwi thë kua, hwei 3 raxa kikiha Hutukara anë thëria thai kuapënaha waiha, kuë yaro hwei ihi thë nogha yanaki noa thayoma. Waiha thëria thai kua penaha thë xarima, pata thë pëha. Awei inaha thë thamahe.